

ქ. თბილისი

შპს „საქაერონავიგაცია“ (შემდგომში „დამკვეთად“ წოდებული), დირექტორის გიორგი ედიშერაშვილის სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტი (შემდგომში „დაცვად“ წოდებული), დაცვის ორგანიზაციის მთავარი სამმართველოს უფროსის მამუკა ლიპარტიელის სახით, მეორე მხრივ, ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

- 1.1. „დაცვა“, გამოკვლევის აქტის საფუძველზე, უზრუნველყოფს „დამკვეთის“ ობიექტის დაცვას (შემდგომში „ობიექტად“ წოდებული), რომელიც მდებარეობს მისამართზე: ქ. თბილისი, აეროპორტი (CPV-75222000);
- 1.2. „დამკვეთი“ იღებს ვალდებულებას „დაცვას“ გადაუხადოს დაცვის მომსახურების ღირებულება წინამდებარე ხელშეკრულების მე-3 მუხლის მოთხოვნათა მიხედვით;
- 1.3. შესყიდვის განხორციელების საშუალება: საქართველოს კანონი სახელმწიფო შესყიდვების შესახებ, 10¹ მუხლის, მე-3 პუნქტის „ა“ ქვეპუნქტი.

მუხლი 2. დაცვის თანამშრომელთა საშტატო განრიგი და დაცვის რეჟიმი

- 2.1 ხელშეკრულების 1.1 პუნქტით გათვალისწინებული „ობიექტის“ დაცვას განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი – დაცვის პოლიციის დეპარტამენტის ქ. თბილისის სამმართველოს V განყოფილება: პოლიციის 1 (ერთი) დაცვის უფროსის, 1 (ერთი) უფროსი ინსპექტორის, 1 (ერთი) ინსპექტორისა და 6 (ექვსი) უმცროსი ინსპექტორის საშტატო ერთეულით, გამოკვლევის აქტით გათვალისწინებული დაცვის რეჟიმით;
- 2.2 ზემოაღნიშნული გამოკვლევის აქტი წინამდებარე ხელშეკრულების შემადგენელი და განუყოფელი ნაწილია.
- 2.3 ხელშეკრულების პირობების შესრულებაზე კონტროლს დამკვეთის მხრიდან განახორციელებს სპეციალურად უფლებამოსილი პირი - პაატა გელიაშვილის, რეჟიმის სამსახურის უფროსის მოადგილე, რომელიც წინამდებარე ხელშეკრულებაზე ხელმოწერით ადასტურებს, რომ აღნიშნულ გამარტივებულ შესყიდვაში მისი მონაწილეობა არ იწვევს ინტერესთა კონფლიქტს („სახელმწიფო შესყიდვების შესახებ“ საქართველოს კანონის მე-8 მუხლის 1-ლი პუნქტის „გ“ და „ე“ ქვეპუნქტები.).

მუხლი 3. მხარეთა შორის ანგარიშსწორება

- 3.1 „დაცვის“ მომსახურების ღირებულება ერთ თვეში შეადგენს 7700,00 (შვიდიას შვიდასი) ლარს, დღგ-ს ჩათვლით (მათ შორის: პოლიციის ერთი დაცვის უფროსი - 1500,00 ლარი, ერთი უფროსი ინსპექტორი - 1100,00 ლარი, ერთი ინსპექტორი - 900,00 ლარი, ერთი უმცროსი ინსპექტორი - 700,00 ლარი);
- 3.2 ანგარიშსწორება მხარეთა შორის მოხდება ყოველ საანგარიშო თვის ბოლოს;
- 3.3 „დაცვის“ მომსახურებაზე საგადასახადო დოკუმენტაციის გამოწერას უზრუნველყოფს შსს სსიპ – დაცვის პოლიციის დეპარტამენტის ქ. თბილისის სამმართველო.
- 3.4 ხელშეკრულების ჯამური ღირებულება შეადგენს 92 400 ლარს დღგ-ს ჩათვლით.

მუხლი 4. მხარეთა უფლება-მოვალეობანი

- 4.1 „დაცვა“ ვალდებულია:
 - 4.1.1 არ გაამყლავნოს „დამკვეთის“ სამსახურებრივი საიდუმლოება;

Handwritten signature

4.1.2 „ობიექტის“ სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;

4.1.3 „პოლიციის შესახებ“ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;

4.1.4 „დაცვა“ ზარალისათვის პასუხისმგებლობას კისრულობს „დაცვის“ მიერ დაკისრებული მოვალეობების არაჯეროვანი შესრულების შემთხვევაში;

4.1.5 ზარალის ოდენობის განსაზღვრა მოხდება, მხარეთა მონაწილეობით შედგენილი შედარების აქტით, რომელიც უნდა ეყრდნობოდეს „დამკვეთის“ საბუღალტრო დოკუმენტაციას;

4.1.6 „დამკვეთისათვის“ ფაქტიური ზარალის ანაზღაურებას „დაცვა“ მოახდენს ერთობლივი კომისიის დასკვნის ან სასამართლოს, კანონიერ ძალაში შესული გადაწყვეტილების საფუძველზე;

4.1.7 უზრუნველყოს ხელშეკრულებით გათვალისწინებული მომსახურების შესრულება 2013 წლის 1 იანვრიდან 2013 წლის 31 დეკემბრის ჩათვლით.

4.2 „დაცვა“ პასუხისმგებლობას არ კისრულობს თუ:

4.2.1 „დამკვეთმა“ არ შეასრულა ხელშეკრულებით გათვალისწინებული პირობები, პირველადი და შემდგომი გამოკვლევის აქტების მოთხოვნები;

4.2.2 თანამშრომელთა პირად საკუთრებაზე, რომელიც დატოვეს დასაცავ „ობიექტში“;

4.2.3 მატერიალურ ფასეულობების ქურდობისათვის, თუ ქურდობა ჩადენილია „დამკვეთის“ მიერ „ობიექტის“ დაცვისათვის ჩაუბარებლობის მიზეზით.

4.3 „დამკვეთი“ ვალდებულია:

4.3.1 განახორციელოს პირველადი და შემდგომი გამოკვლევის აქტების მოთხოვნათა შესრულება და „დაცვასთან“ ერთად იზრუნოს „ობიექტის“ დაცვის სრულყოფისათვის;

4.3.2 „ობიექტის“ მთლიანობის დარღვევის შემთხვევაში, არ შევიდეს მასში „დაცვის“ თანამშრომლების გარეშე და არ დაიწყოს მატერიალურ ფასეულობათა აღწერა;

4.3.3 „დაცვას“ 15 დღით ადრე აცნობოს და მასთან შეთანხმებით გადაწყვიტოს „ობიექტზე“ მოსალოდნელი ყველა ის ცვლილება, რომელიც შეეხება დაცვის უსაფრთხოებას: („ობიექტის“ დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სარემონტო სამუშაოების წარმოება და ა.შ.);

4.3.4 „დაცვის“ თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს „დაცვას“;

4.3.5 „დამკვეთს“ ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული მოკვლევის აქტით.

4.3.6 ხელშეკრულების ცალმხრივად შეწყვეტის თაობაზე გადაწყვეტილების მიღებისას, „დამკვეთი“ ვალდებულია აღნიშნული გადაწყვეტილების შესახებ ერთი თვით ადრე წერილობითი ფორმით აცნობოს „დაცვას“.

მუხლი 5. ხელშეკრულების პირობების შეუსრულებლობა

5.1 ხელშეკრულების ცალმხრივად შეწყვეტის თაობაზე შეტყობინების ვადის დარღვევის შემთხვევაში, „დამკვეთი“ ვალდებულია „დაცვას“ გადაუხადოს პირგასამტეხლო დაცვის მომსახურების ერთი თვის ღირებულების ოდენობით, პირგასამტეხლოს თაობაზე მოთხოვნის წარდგენიდან არა უგვიანეს 14 საბანკო დღის განმავლობაში.

მუხლი 6. ფორს-მაჟორი

6.1 მხარეები თავისუფლდებიან ხელშეკრულებით ნაკისრი ვალდებულებების შესრულებისგან ფორს-მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება და რაც დადასტურებულია სათანადო ორგანოების მიერ.

მუხლი 7. ხელშეკრულების მოქმედების ვადა

7.1 ხელშეკრულება ძალაში შედის 2013 წლის 1 იანვრიდან და მოქმედებს 2013 წლის 31 დეკემბრის ჩათვლით;

7.2 „დაცვა“ უფლებამოსილია ცალმხრივად შეწყვიტოს ხელშეკრულება, „დამკვეთის“ მიერ ხელშეკრულებით გათვალისწინებული ვალდებულებების შეუსრულებლობის ან ერთი თვის სახელშეკრულებო თანხის გადაუხდელობის შემთხვევაში.

მუხლი 8. სხვა პირობები

8.1 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წინამდებარე ხელშეკრულების შემადგენელი და განუყოფელი ნაწილია;

8.2 სადავო საკითხებს მხარეები გადაწყვეტენ ურთიერთშეთანხმებით, ხოლო შეუთანხმებლობის შემთხვევაში სასამართლოს მეშვეობით;

8.3 ხელშეკრულება შედგენილია ორი, თანაბარი იურიდიული ძალის მქონე ეგზემპლარად, რომელთაგან ერთი ინახება „დამკვეთთან“, ხოლო ერთი „დაცვასთან“.

მხარეთა რეკვიზიტები და ხელმოწერები

„დამკვეთი“


შპს „საქაერონავიგაცია“ ს/კ 208144051

ქ. თბილისი, აეროპორტი

ს.ს. „ბანკი რესპუბლიკა“

კოდი: 220101757 ა/ა 005467067

დირექტორი



გ. ედიშერაშვილი

„დაცვა“

შსს სსიპ – დაცვის პოლიციის დეპარტამენტი, ს/კ 211350928


ქ. თბილისი, დ. აღმაშენებლის ხეივანი, მე-11 კმ

ს.ს. „ლიბერთი ბანკი“ ცენტრალური ფილიალი

კოდი: LBRTGE22 ა/ა GE20LB0121158008584006

დაცვის ორგანიზაციის მთავარი

სამმართველოს უფროსი



შსს სსიპ – დაცვის პოლიციის დეპარტამენტი

მ. ლიპარტელიანი

